

*Milica Belma  
Hadžić*

## UGOVOR ZA PRUŽANJE USLUGA OSIGURANJA MOTORNIH VOZILA

Ugovorne strane:

**MINISTARSTVO UNUTRAŠNJIH POSLOVA KANTONA SARAJEVO, UPRAVA POLICIJE, La Benevolencija broj 16, koju zastupa za policijskog komesara, načelnik Sektora kriminalističke policije Milorad Bašić ( u daljem tekstu: Ugovorni Organ)**

**EUROHERC OSIGURANJE d.d Sarajevo, Trg međunarodnog prijateljstva 20, ID: 4227015330006, koga zastupa direktor Damir Hadžić (u daljem tekstu: Osiguravatelj)**

### Član 1.

Predmet ovog ugovora je pružanje usluga osiguranja motornih vozila za potrebe Uprave policije Ministarstva unutrašnjih poslova Kantona Sarajevo. Nabavka je izvršena putem otvorenog postupka, na osnovu Odluke broj 02-14-4-662/19 od 07.02.2019. godine. Odlukom broj 02-14-4-662-10/19 od 23.04.2019. godine izabran je najpovoljniji ponuđač. Ponuda Osiguravatelja broj 198331447 sastavni je dio ovog Ugovora, kao i odgovor na zahtjev za ispravku računске greške broj 193031653 od 19.04.2019. godine. Usluge osiguranja koje su predmet ovog Ugovora obuhvataju osiguranje motornih vozila, koje podrazumijeva: obavezno osiguranje od automobilske odgovornosti i kasko osiguranje bez uključenog rizika od krađe.

### Član 2.

Ukupna vrijednost Ugovora iznosi 209.308,04 KM (dvijestotinedevethiljadatristotineosam i 04/100 KM) bez PDV-a. U skladu sa odredbama Zakona o PDV-u, usluge osiguranja su oslobođene plaćanja PDV-a. Osiguravatelj se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog Ugovora pružati usluge osiguranja motornih vozila Ugovornog organa. U slučaju da Ugovorni organ izvrši prodaju vozila ili u slučaju povlačenja iz upotrebe vozila prije roka utvrđenog za registraciju i osiguranje, za ta vozila se neće vršiti pomenuta usluga, niti plaćati premija osiguranja.

### Član 3.

Osiguravatelj se obavezuje da će u roku od deset (10) dana od dana obostrano potpisanog ugovora dostaviti bankarsku garanciju za uredno izvršenje ugovora u obliku bezuslovne bankarske garancije u iznosu od 10 % vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršavanja ugovornih obaveza plus 30 dana.

### Član 4.

Osiguravatelj se obavezuje da za osiguranje vozila izdaje pojedinačne polise sa početkom osiguranja u zavisnosti od isteka registracije vozila, a prema spisku vozila koji je sastavni dio ovog Ugovora. Ugovorni organ se obavezuje da će plaćanje premije za osiguranje vozila (od autoodgovornosti i kasko osiguranja) plaćati po izdavanju polise i dostavljanju fakture, u roku od 20 (dvadeset) dana.

**Član 5.**  
Osiguravatelj se obavezuje da će odmah pristupiti uvidaju i procjeni štete, a najkasnije u roku od 24 sata, te se obavezuje da Ugovorni organ može pristupiti saniranju štete kod svog ovlaštenog servisa za popravku vozila, na teret osiguranja.  
Ugovorne strane su saglasne da će se utvrđena šteta plaćati u roku od petnaest (15) dana od dana dostavljanja prijave osiguranog slučaja sa kompletnom dokumentacijom.


**Član 6.**  
Osiguravatelj se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.  
Ugovorni organ je dužan dostaviti pismeno obavještenje o svakom propustu Osiguravatelja.  
Ugovorni organ će utvrditi razuman rok za ispravak propusta Osiguravatelja u smislu izvršene usluge.


**Član 7.**  
Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

**Član 8.**  
Eventualne nastale sporove pri realizaciji ovog ugovora, ugovorne strane će rješavati sporazumno. Ukoliko to nije moguće, utvrđuje se nadležnost Suda u Sarajevu.

**Član 9.**  
Ovaj Ugovor se zaključuje na period od godinu dana od dana potpisa obje ugovorne strane.

**Član 10.**  
Ugovor je sačinjen u četiri (4) istovjetna primjerka, od kojih Ugovorni organ zadržava dva (2), a Osiguravatelj 2 (dva) primjerka.

**OSIGURAVATELJ  
EUROHERC OSIGURANJE d.d  
SARAJEVO**  
  
**direktor Damir Hadžić**

**UGOVORNI ORGAN  
MUP KANTONA SARAJEVO  
UPRAVA POLICIJE**  
  
**za POLICIJSKOG KOMESARA  
Načelnik Sektora kriminalističke policije  
Glavni inspektor  
Milorad Bašić**

Broj: 19303/1994

Datum: 16.05.2019.g.

Broj: 02-14-4-662-12/19

Datum: 15.05.2019. godine